

Byawz Cungj Laengz Mbouj Ndaej

谁 都 拦 不 住

——Fwenhaenh Cungguk Gungcanjdangj

——中国共产党赞歌

□ Cungh Hihcwngh / 钟希增

It、Daengngoenz Hwnj Baih-doeng

Gyangmbwn naefaiq mbin,
Doek rim luengq rim hongh,
Laepdik ranz caengz rongh,
Rumzbaek rongx baenz hwnz.

Sing lumj fangzyak heuh,
Heux haeuj gyaеuj haeuj rwz,
Mbouj saek boux gamj w,
Doengxhwnz fwzrikrik.

Cauh ruz gaeuq dwgrendz,
Ngengnet raemx couh haeuj,
Da raen mbwn mbouj couh,
Bouxboux gip baenzmaz.

Biengzneix luenhnyagnyag,
Boux guh hak hengzmanz,
Guekrog daеuj haephangz,
Ngoenz guh vang guh raeh.

Daengngoenz hwnj baihdoeng,
Ndit ciuq roengz diegdeih,
Rumzcin ma daengz neix,
Doenghgo ndaej dok nyez.

Cungguk Gungcanjdangj,
Cauh dangq aen daengngoenz,
Ciuq diuzloh diuzroen,
Ciuq fwj hoengz fwj gyaemq.

Ngeih、Raiz Ok Coenz Caenleix

Dangiyenz roemx doxbae,
Caih lae lwed lae hanh,
Yaek gouq cai gouq nanh,
Caij diegnamh baenz roen.

“Doenghbaez dwg vaiz max”,
“Baenaj yaek guh vunz”,
Mwnqmwng cungj hwnj rumz,
Ngoenzhwnz nauh hoenghub.

Ndawsingz nauh dingz hong,
Doxcomz fanj apbik,
Dangj lingjdauj daeklig,
Hen leih’ik vunzlai.

Lengqlengq laeb gunghvei,
Dangiyenz ndaej guhdaeuz,
Riengz seizdaih ciuzlouz,
Gouz ra roen gwzming.

Lajmbanj vunzguhnaz,
Hix nda laeb nungzvei,
Nauh fan dien boek deih,
Bouxmiz heiқ yaek dai.

Dahliuzyangz song hamq,
Ndaej ganq boux yinghyungz,
De daiqlingx bouxgungz,
Doengzcaez moeb caizcawj.

Byawz buet raemx hawj raeuz,
Swenj naеuz guh gvaqmauh,

Byawz hemq gaej luenh gauj,
Nauh haenq hoj souciengz.

Bien 《Gaujcaz Baugau》,
Haenh baenghgauq vunzlai,
Mauz Cwzdungh bouxgvai,
Raiz ok coenz caenleix.

Sam、Cien Fanh Vunz Dai Nanh

Boux gwzming ok bing,
Gung singz hoenx baihbaek,
Ginhfaz ninz mbouj ndaеk,
Lumj duzdaek cawzcou.

Caezcaez guh seng’eiq,
Hujgeiq mbouj doxhuz,
Caezcaez naengh aen ruz,
Gyang huz gag doxmoeb.

Ningz–Han Ginhcizdonz,
Song gonz guh ndaej rap,
Rongx “cing dangj” vakvak,
Dangq mabag haeb vunz.

Gwnzmbwn byaj gwq maenj,
Rumz haenq faenx luenh mbin,
Dangj raeuz mbouj gamsim,
Hwnj bing youq Nanzcangh.

Baengh bouxhoj bouxgungz,
Laeb gunghnungz hungzginh,
Hen leih’ik beksingq,
Yiemzgimq nyaux vunzlai.

Suhveizaih cwngfuj,
Ndaej senhbu laebbaenz,
Fanjdungbai dacaengz,
De haemz dungx haemz saej.

Dingj “humxhoenx” haj baez,
Lwed lae ndingmyanmyan,
Cien fanh vunz dai nanh,
Cunghyangh deng senj deuz.

Seiq、Hoenx Bae Geij Fanh Leix

Byaij Vangz Mingz lohsienq,
Hoenxcienqg cungj caenh saw,
Dwkgeiz mbouj aеu gaw,
Buenzbuenz saw da bieг.

Mauz Cwzdungh vunz cing,
Rox daiq bing hoenxcienqg,
Hungzginh dingj Laux Ciengj,
Seiq liengx buек cien gaen.

Seiq baez gvaq Cizsuij,
Gveiyangz mbouj haeuj singz,
Cix bae hwk Gunhmingz,
Cing ndaeng vunzdig cienq.

Guh “Yizhaij Gietmungz”,
Liuz Bwzcwngz rox ngvanh,
Gvaq Yizcuz diegmbanj,
Ndaej deuz langh ndoj rumz.

Daduhoz vaqyiemj,
Caiq ciengj Luzdinggyauz,
Dawz cungqdinj maxdau,
Lumj cigau raihbongh.

Banh gvaq goengq byanae,
Dangh dieгнаez diegcumx,
Bouxboux dungx daemj dungx,
Lumj caemh gyog caemh ranz.

Hoenx bae geij fanh leix,
Dauqungz ndaej doxcomz,
Guk haeuj ndoeng caux rongz,
Dauq baenz yongz baenz ak.

Haj、Dingj Hoenx Bing Yizbwnj

Yizbwnj ciemq Gvandoeng,
Youh nod roengz Vazbaek,
Yied vet couh yied laeg,
De yaek gyan daengx biengz.

Cungguk raeuz yungyiemj,
Laux Ciengj mbouj dawzsim,
Cunghgung Sanj Ganh Ningz,
Dingj hoenx bing Yizbwnj.

Cangh(张学良) Yangz(杨虎城)
caemh diuzsim,
Hwnj bing bik Laux Ciengj,
Sih’anh sing cungq yiengj,
Veijyenzcangj bienq gvai.

Luzgouhgyauz rumzraq,
Bongjfafa faenx mbin,
Guek raeuz gak loh bing,
Laemxsim bae dingjhoenx.

Meij(美国) Yingh(英国) caez bang
renz,
Bing Suhlenz hix haeuj,
Gak guek gyonj doxcaeuq,
Caez daеuj hoenx bingfangz.

Cungguk Gungcanjdangj,
Bouxboux gamj buекdai,
Dingjhoenx bet bi lai,
Raiz sawfen cingqheiқ.

Dingj Yizbwnj ndaej hingz,
Lwgminz angqfwngfwng,
Lumj byaleix diuq dwngj,
Daengxcungq angqyangzyangz.

Roek、Dwkbaih Ciengj Gaisiz

Cungzging fwj laepdik,
Caemrigrig dwglau,
Daengx singz gyuem mok hau,
Ciengj(蒋介石) Mauz(毛泽东) daеuj
doxhoih.

Mbouj lau dwg yaemmaeuz,
Bouxdaeuz bae damzbuengq,
Mbouj lau deng amqsuenq,
Gamnyienh bae doxyaeng.

Aen hoih cwnghезvei,
Cungsuenq ndaej hai baenz,
Ciengj Gaisiz hozhaemz,
De gaem gienz mbouj cuengq.

Fanjdungbai maedmaеuz,
Ciengj aеu dieggaijfang,
Haenq hwnj rumz hwnj langh,
Dangq nagma roengz daemz.

Gaijfangginh mbouj foengx,
Fatdoengh sam canyiz,
Dwkbaih Ciengj Gaisiz,
Gizgiz ndaej maengxangq.

Baekging angqyang’ yang,
Gvangjcangz vunz goenjoj,
Laebbaenz Cungguk moq,
Bouxhoj daеuj danggya.

Caet、Cungguk Ak Hwnjdaeuj

Cungguk ndwn hwnjdaeuj,
Ndaej gingz gyaеuj guh vunz,
Dangj daiq raeuz soemh fwn,
Nyig rumz byaij baenaj.

Laebbaenz gunghozgoz,
Dwghoz vunz daengx guek,
Dangj daiq raeuz haenq buек,
Guek moq guh ndaej ndei.

Raen Cauzsenj miz saeh,
Raen Meijgoz bae hangz,
Gamj okbing bae bang,
Mbouj hawj hangz beixnuengx.

Hen guekgya cawjgienz,
Coh Suhlenz fanjnaj,
Caeuq Yindu hoenx gvaq,
Dingj raqraq fwnrumz.

Cungguk fouq hwnjdaeuj,
Ndaej doxcaeuq baenzmiz,
Gaijgwz geijcib bi,
Gizgiz guh ndaej hwnj.

Ginghei gauj ndaej hwng,
Raeuz miz gwn miz yiengh,
Mwnqmwngq bienq saeksiengq,
Yienghyiengh guh baenz ndei.

Cungguk ak hwnjdaeuj,
Ndaej ngienxgyaеuj gwnzbiengz,
Cunghab gueklig giengz,
Daengx biengz byaengq da yawj.

Sou Yanghgangj Aumwnz,
Hwnj mbwn caux Denhgungh,
Guh Bwzdouj Hidungj,
Gaiqgaiq cungj ndaej baenz.

Baengh miz gungcanjdangj,
Ndaej gangj daengz guh daengz,
Cunghvaz daih fukhwng,
Byawz cungj laengz mbouj ndaej.